



## 天公疼好人

阮阿爸今年九十五歲矣。除了耳空較重，佢伊講話愛較大聲以外，伊的記持、目睭攏猶真好。伊逐工的娛樂就是看報紙，看日本、臺灣的電視新聞佢暗時九點的政論節目，毋過定定看甲受氣關電視。暗時若閒，我攏愛佢伊那看電視那開講，天南地北無所不談，對伊的少年時代講到這馬。

阿爸自細漢就認真拍拚，共阮公仔鬥作穡。因為無欲輸人閣去讀農校，畢業了後佇日本政府的農業機關上班。伊的職務是做粟仔產量統計佢糧食的分配。阿爸真照顧佢伊鬥陣做工課的人。伊做人真慷慨，對人干焦會幫助佢相鍵，袂共人刁難揣麻煩，所以四界攏有好朋友。後來伊家己做生理趁袂少錢，親情朋友若有困難，伊攏幫贊到底。伊定定講，伊共人鬥相共並無向望人報答。

第二次世界大戰了後，國民政府接管臺灣，阿爸本底予人請去管理臺南縣。毋過彼時陣情勢誠亂，伊就共人推辭。嘛因為按呢，才逃過二二八事件的災難。臺灣近代所發生的一寡代誌，伊攏經歷有著。這馬伊上愛講予阮聽的，就是遮的故事。阿爸會使講是一部臺灣近代的活歷史。

毋過予我印象上深的就是我佇小學咧上班的時，有一工我佇辦公室共老師鬥做工課，雄雄工友阿伯從入來講，有一个少年家騎車擗著學校邊人家厝的壁角，規身軀流血流滴，若親像死去矣。一大堆人圍倚去看，無人敢出手去共伊救。這個時陣阿爸拄好經過，趕緊共伊抱起來送去病院。雖然落尾也是救無活，毋過逐家攏講阿爸誠好膽。事後我問伊敢會驚。伊講：「美軍來空襲臺南的時，我佇臺南病院鬥救人。死的、著傷的一、兩百个，血流甲淹跤盤，我都無咧驚矣。」這個時陣我才發現阿爸真正誠勇敢。

阿爸一生做人正直，毋驚神、毋驚鬼，毋驚惡勢力，所以到今逐工閣會食會睏，身體勇健。這也是阮遮的做囡兒的，上安慰的所在。

作者：王亮月

### ☆詞彙學習☆

- |  |                                   |
|--|-----------------------------------|
| 【相鍵】sio-kīng：互相支持、幫忙。                    | 【本底】pún-té/pún-tué：本來、原本。         |
| 【親情】tshin-tsiānn：親戚。                     | 【人家厝】jîn-ke-tshù /lîn-ke-tshù：民宅。 |
| 【幫贊】pang-tsān：幫忙、幫助。替人出力、出主意或給予物質精神上的支援。 | 【好膽】hó-tánn：形容人有勇氣，有時也帶有負面的意味。    |
| 【向望】nè-bāng：盼望、希望。                       | 【跤盤】kha-puānn：腳背、腳面。              |